



Broj: 16-12-16-2-7946- 11/15
I. Sarajevo, 12. 12. 2015. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12) i člana 70. st. (1), (2), (3) i (6) Zakona o javnim nabavkama ("Službeni glasnik BiH", broj 39/14), na preporuku Komisije za provođenje postupka nabavke broj 16-12-16-2-7946/15 od 30.11.2015. godine, u postupku javne nabavke metalnih ormara i bezbjednosnih kasa za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača po Konkurentskom zahtjevu za javnu nabavku metalnih ormara i bezbjednosnih kasa za potrebe Državne agencije za istrage i zaštitu

Član 1.

Prihvata se preporuka Komisije za provođenje postupka nabavke broj 16-12-16-2-7946/15 od 30.11.2015. godine i ugovori o kupoprodaji metalnih ormara i bezbjednosnih kasa za potrebe organizacionih jedinica Državne agencije za istrage i zaštitu (u daljem tekstu: Agencija) dodjeljuju se i to:

a) za Lot 1 - nabavka metalnih ormara, ponuđaču Unis "Elektronik" d.o.o. Mostar ponuda broj 16-12-16-2-7946-8/15 od 20.10.2015. godine, za ponuđenu cijenu od 10.955,00 KM bez uračunatog PDV-a;

b) za Lot 2 - nabavka bezbjednosnih kasa ponuđaču „Primat“ d.o.o. Sarajevo ponuda broj 16-12-16-2- 7946-12/15 od 20.10.2015. godine, za ponuđenu cijenu od 4.519,45 KM bez uračunatog PDV-a.

Član 2.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 3.

(1) Ponuđač Unis "Elektronik" d.o.o. Mostar obavezan je ugovornom organu dostaviti dokaz o ispunjavanju uslova iz tačke 3.1.1. i 3.1.3. Konkurentskog zahtjeva, dok je ponuđač "Primat" d.o.o. Sarajevo obavezan ugovornom organu dostaviti dokaz o ispunjavanju uslova iz tačke 3.1.1. Konkurentskog zahtjeva.

(2) Dokaze iz stava (1) ovog člana (original ili ovjerena kopija) ponuđači su obavezni dostaviti ugovornom organu u roku od pet dana od dana prijema ove odluke.

Član 4.

Ova odluka stupa na snagu danom donošenja.

O b r a z l o ž e n j e

Odlukom Agencije broj 16-12-16-2-7946-1/15 od 07.10.2015. godine pokrenut je postupak javne nabavke metalnih ormara i bezbjednosnih kasa za potrebe organizacionih jedinica Agencije, putem Konkurentskog zahtjeva. Predmet javne nabavke podijeljen je na lotove kako slijedi:

- Lot 1 – nabavka metalnih ormara, procijenjene vrijednosti 12.280,00 KM bez uračunatog PDV-a;

- Lot 2 – nabavka bezbjednosnih kasa, procijenjene vrijednosti 4.560,00 KM bez uračunatog PDV-a;

Obzirom da je tačkom 6. Konkurentskog zahtjeva navedeno da je rok za dostavljanje ponuda 20.10.2015. godine do 13,00 sati, to je Komisija dana 20.10.2015. godine u 14,00 sati izvršila javno otvaranje ponuda prema datumu i vremenu prijema.

Blagovremeno je dostavljeno ukupno sedam ponuda i to:

Redni broj	Naziv ponuđača	Lot	Vrijednost ponude (bez PDV-a) sa uračunatim popustom
1.	„Salon bankarske opreme BL“ d.o.o.Banja Luka	Lot 1	12.268,80 KM
		Lot 2	3.631,50 KM
2.	Unis „Elektronik“ d.o.o. Mostar	Lot 1	10.955,00 KM
3.	„Mira Mar“ d.o.o. Foča	Lot 1	12.035,00 KM
4.	„Inter –Com“ d.o.o. Zenica	Lot 1	13.087,20 KM
5.	„Primat“ d.o.o. Sarajevo	Lot 2	4.519,45 KM
6.	„R&S“ d.o.o. Sarajevo	Lot 2	4.735,50 KM
7.	„Defter“ d.o.o. Sarajevo	Lot 1	12.350,00 KM
		Lot 2	9.957,00 KM

Komisija je nakon otvaranja ponuda, u smislu člana 63. st. (5) i (6) Zakona o javnim nabavkama („Službeni glasnik“, broj 39/14) (u daljem tekstu: Zakon) sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima.

Postupak je dalje nastavljen u smislu pregledanja dokumentacije priložene uz svaku pojedinačnu ponudu, a u cilju ocjenjivanja svakog pojedinačnog ponuđača, te njihove kvalifikovanosti shodno uslovima navedenim u Konkurentskom zahtjevu.

Uvidom u sadržaj dostavljenih ponuda Komisija je utvrdila da ponuđač „Defter“ d.o.o. Sarajevo za Lot 1 ne ispunjava kvalifikacione uslove u pogledu tehničke i profesionalne sposobnosti iz tačke 3.1.4. Konkurentskog zahtjeva. Komisija je utvrdila da ostali ponuđači za Lot 1 i Lot 2 ispunjavaju kvalifikacione uslove iz konkurentskog zahtjeva. Takođe, komisija je utvrdila da ponuđači za Lot 1: Unis „Elektronik“ d.o.o. Mostar, „Mir Mar“ d.o.o. Foča, „Inter-Com“ d.o.o. Zenica i „Defter“ d.o.o. Sarajevo ispunjavaju i formalno-pravne uslove, dok za Lot 2 formalno-pravne uslove iz Konkurentskog zahtjeva ne ispunjavaju ponuđači „Salon bankarske opreme BL“ d.o.o. Banja Luka i „R&S“ d.o.o. Sarajevo.

Tačkom 3.1.4. Konkurentskog zahtjeva navedeno je da će se tehnička i profesionalna sposobnost ponuđača utvrditi na osnovu opisa i fotografija robe koja je predmet isporuke, a čiju vjerodostojnost je ponuđač obavezan potvrditi opisom ili fotografijama ili katalogima ili skicama ponuđenih metalnih ormara ili sigurnosnih kasa, koji se dostavljaju zajedno sa ponudom, a koje je ponuđač dužan ovjeriti svojim pečatom.

Uvidom u ponudu ponuđača „Defter“ d.o.o. Sarajevo Komisija je utvrdila da navedeni ponuđač za Lot 1 uz skice nije dostavio opise ponuđenih ormara. Obzirom na

naprijed navedeno ponuda ponuđača „Defter“ d.o.o. Sarajevo nije bila predmet daljnjeg razmatranja niti vrednovanja.

Takođe, prema tački 4. Konkurentskog zahtjeva, svi dokumenti i prepiska u vezi sa ponudom između ponuđača i ugovornog organa moraju biti napisani na jednom od službenih jezika u Bosni i Hercegovini. Uvidom u ponude ponuđača za Lot 2: „Salon bankarske opreme BL“ d.o.o. Banja Luka i „R&S“ d.o.o. Sarajevo Komisija je konstatovala da iste nisu u skladu sa tačkom 4. Konkurentskog zahtjeva. Naime, certifikate za ponuđene bezbjednosne kase, navedeni ponuđači nisu dostavili na jednom od službenih jezika u Bosni i Hercegovini. Cijeneći navedeno Komisija ponude ponuđača: „Salon bankarske opreme BL“ d.o.o. Banja Luka i „R&S“ d.o.o. Sarajevo nije dalje razmatrala niti su bile predmet vrednovanja.

Komisija je dalje postupak nastavila u smislu utvrđivanja da li ponuđeni ormari i bezbjednosne kase kvalifikovanih ponuđača koji ispunjavaju formalno-pravne uslove odgovaraju tehničkom opisu iz Konkurentskog zahtjeva. Komisija je utvrdila da ponude ponuđača za Lot 1: „Salon bankarske opreme BL“ d.o.o. Banja Luka, Unis „Elektronik“ d.o.o. Mostar, i „Inter-Com“ d.o.o. Zenica odgovaraju tehničkom opisu iz Konkurentskog zahtjeva, dok ponuda ponuđača „Mira Mar“ d.o.o. Foča ne odgovara tehničkom opisu za Lot 1 iz razloga što navedeni ponuđač u opisu ponuđenih ormara nije naveo debljinu dekapiliranog lima za izradu metalnog ormara ladičara sa bravom. Obzirom na navedeno ponuda ponuđača „Mira Mar“ d.o.o. Foča nije bila predmet vrednovanja.

Takođe, Komisija je utvrdila da ponude ponuđača za Lot 2: „Primat“ d.o.o. Sarajevo odgovara tehničkom opisu iz Konkurentskog zahtjeva, dok ponuda ponuđača „Defter“ d.o.o. Sarajevo ne odgovara tehničkom opisu za Lot 2 iz razloga što je navedeni ponuđač ponudio bezbjednosnu protivprovalnu kasu (dvokrilnu) dimenzija 1950x930x510 mm iako su Konkurentskim zahtjevom tražene dimenzije minimalno 1950x930x520 mm. Takođe, kod metalnih sefova navedeni ponuđač nije naveo volumen i koliko registratora se može čuvati u sefu iako je Konkurentskim zahtjevom traženo da je volumen navedenih sefova maksimalno do 50 litara i da se u sef može uložiti do pet standardnih registratora. Obzirom na navedeno ponuda ponuđača „Defter“ d.o.o. Sarajevo nije bila predmet vrednovanja.

Nakon pregledanja dokumentacije priložene uz dostavljene ponude Komisija je u smislu člana 65. st. (1) i (2) Zakona ocijenila ponude kvalifikovanih ponuđača koji ispunjavaju formalno-pravne uslove i čije ponude odgovaraju tehničkom opisu iz Konkurentskog zahtjeva, primjenjujući kriterij najniže cijene tehnički zadovoljavajuće ponude iz tačke 8. Konkurentskog zahtjeva, te sačinila rang listu ocijenjenih ponuda, počev od najuspješnije ka najmanje uspješnoj, kako slijedi:

Redni broj	Lot	Naziv ponuđača	Vrijednost ponude (bez PDV-a) sa uračunatim popustom
1	Lot 1	Unis „Elektronik“ d.o.o. Mostar	10.955,00 KM
		„Salon bankarske opreme BL“ d.o.o. Banja Luka	12.268,80 KM
		„Inter Com“ d.o.o. Zenica	13.087,20 KM
2	Lot 2	„Primat“ d.o.o. Sarajevo	4.519,45 KM

Nakon provednog postupka ocjenjivanja dostavljenih ponuda, Komisija je utvrdila da je ponuda ponuđača Unis „Elektronik“ d.o.o. Mostar ocijenjena kao najpovoljnija za Lot 1, dok je za Lot 2 kao najpovoljnija ocijenjena ponuda ponuđača „Primat“ d.o.o. Sarajevo.

Shodno navedenom, prihvaćen je prijedlog Komisije i odlučeno da se kupoprodajni ugovor za Lot 1 dodijeli ponuđaču Unis „Elektronik“ d.o.o. Mostar i da se za Lot 2 kupoprodajni ugovor dodijeli ponuđaču „Primat“ d.o.o. Sarajevo.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 7x,
- Sektoru za mat.-fin. poslove,
- a/a.

